

Forfatter: Aakjær, Jeppe

Titel: Udrag fra HJEM FRÆ PLOWGILD

Citation: Aakjær, Jeppe: "Digte 1885-1908. - 1918", i Aakjær, Jeppe: *Digte 1885-1908. - 1918*, Gyldendal, 1918-19, s. 270. Onlineudgave fra Arkiv for Dansk Litteratur: <https://tekster.kb.dk/catalog/adl-texts-aakjaer01val-shoot-idm139725295501312/facsimile.pdf> (tilgået 20. april 2024)

Anvendt udgave: Digte 1885-1908. - 1918

A rend, og a fild, og a rend og a rend;  
a tøtt, a maatt vær ved Verdens End,  
men bejje mi Træsko stod faast i æ Saånd,  
den jen kam alle forbi den aan.

A lo ad æ Jurd som en valed Skru,  
mi Kjep en bette Graan vejsten mi Lu.  
A tint o manne kristele Urd,  
som a haaj lær af mi Faar og mi Mue;  
a prøved fast es les fræ æ Burd,  
men mi Howkommels haar alle wot gue,  
og det, a fek saå, war næ fuldajte Slurd.

A lowed Worherr, om han kjend mæ næ Raa,  
aa tejn mæ te Aalters imaaen den Daa;  
den fatte Ma Sah sku faa en Skipp Maalt,  
og Bette Drejs en Stykk aa æ Gaalt.  
— Gud naad mæ — a fek æ sna naple holdt!

Det bløw mæ helsen en stywle Bied;  
æ Bjenn vild op, men æ Hued vild nied.  
A to i æ Lyng og stinned mi Nakk,  
men a ku hwerken flikk heller fakk;  
a tøtt, det gi rundt med æ hile Bak;  
æ stor Kaphyw war saat po en Bor;  
æ Hywl rend rundt, og æ Dæwl han kjar!

Hwad sin der passired, ka Kaaren sgi how;  
a fand mæ tesengs i wor pænest Stow,  
saa syg, te a hwerken ku drewl heller drow,  
og Kaaren war værkle, og a maatt low,  
te hwis a mie to te Ywers aa plow,  
a aalle vild legg mæ ved Kistel aa sow.

II/6 1908.

fild: faldt; a tøtt, det forekom mig: Saånd- Sand; lo ad ie Jurd, las langs  
med Jorden; Skru, Terreskue; en bette Graan, en lille Smule; Lu, Hu; naple,  
knap nok; en stywle Bied, et baade Stykke Arbejde; stinned, gjorde sviv;  
hwerken Aks heller fakk, ikke komme ud af Stedet; en Bor, en Hjulber; kjar;  
kjerte: sin, siden, how, huske; drewl heller drow, : knap nok nækkie Vejet;  
værkle, vred og sur; aa plow, at pløje; Kistel, Høðsauke paa min Fars Maak.